

507  
212



3 0537 5421 8

學部  
民政部  
鑒定

改良社會

芻議

邵松年題



## 學部批

據呈及芻議均悉私塾改良甚爲緊要本部歷經  
通行各省提學使督飭所屬凡官私學堂均應按  
照奏定章程辦理與所陳用意正同其餘各節多  
係民政部職司據呈已另稟民政部察閱仰即聽  
候批示此批

## 民政部批

據呈已悉該生所著改良社會芻議一書關心時  
事深堪嘉許嗣後凡有條陳時事者果如此書之

切實可行本國無不虛心採納若徒摭拾陳言無  
濟於事本部亦未便備徇所請書存

光緒丁未冬日

國民鈴鍵

長白寶篆題



序

天子聖神文武採覽萬國憲法精誼銳意與民更始又以社會之秩敍未完教育之程度尙殺於是展實行之期爲預備道至博德至厚也虞山戴生思有以上宣

聖澤下膺民智舉其留學日本研究所得者輸之中國社會著改良芻議一卷其辭淺而不深其義便而易行其所言則皆日用習慣家人婦子之事也始之以祛迷信而終之以正心術可謂濟時之藥石指途之南鍼矣雖然吾尤望其演之爲白話報廣之爲宣講會庶家皆喻而戶皆曉其漸進自治於立憲尤易也語曰言必有中傳曰仁者之言信而可徵願生勉乎哉

端方拜手



序

間嘗讀史至哀平之間五代之際見夫名節凌夷人道漸滅未嘗不廢書三歎息焉旣而一轉移間東京之風慶厯之治忽又湧現於歷史一時人情風俗頓改舊觀又未嘗不畢然豔之是違何德以致此歟因又推其消息變遷之故知尊崇節義風尙廉恥諸事莫不先播一因而後漸而萌芽漸而勾達馴至布蔓堅執而果成焉嗚呼天下無不可變之風俗顧亭林之語豈欺我哉中國今茲社會之現狀詭奇複雜殆不可以簡單之說賅也嘉定黃氏嘗謂秦晉僿魯吳越剽詭茲二語者各省雖不盡然要亦大略近之吾誠不知其遠因種於何代何年計其初必振於至微爲常智所忽浸淫至今遂蒸爲風俗成爲習慣夫天下惟風俗習慣之已深而不蓄有三年之艾先使之積漸淪浹之遽欲舉其思想之所及盡

與以整齊是殆捧土以塞孟津榕水以救燎原必不可得之數矣  
問者豫備立憲

疊詔殷殷是早已於全國人民腦靈中先播一大因徒以程度未  
齊不得不徘徊以俟使此時不設法耕之耨之芟之芸之則稊稗  
之勢強而嘉種之力薄此現播之一大因勢且無由蔓衍蕃茂卒  
輾轉於豫備期中而迄無實穎實粟之一日上負 國家下負國  
民豈不痛哉中國比歲以還學校林立民智漸開士夫進步且駸  
駸焉有一躍千丈之勢獨是中國地面方里之積四千三百萬有  
奇中國人民男女之積四百五十兆有奇其間號稱先達具有文  
明資格者大抵不過千分之一其餘之九百九十九分之人數固  
儻野如故也且此最大多之人數欲變其儻野而漸進於文明者  
固又視千分之一之秀桀者其難易遲速之相去又不止十百千

萬也夫此最大多之人數原不敢冀其家文明而入開通也卽此普通粗具之智識而使之百取一焉千取十焉恐已非極短之歲月所可程功矣又況乎待文明灌被者如此之數之多而如此之數之多其進化又如此十百千萬之難且遲而當世之言治者又曾未先有馮林一節儉諸議陸清獻風俗一書懸之國門播之通國稍稍立一轉移風化之鵠以濟社會之窮則何怪日日言豫備而年復一年之迄無效果也往者見國中俗尙之窳嘗思著爲一書藉以維持於萬一數年以來復敝敝於吏治外交之間卒卒無須臾之間又以茲事造端宏大層累曲折輪囷離奇非可以倉猝從事蓋輟翰也久矣海虞戴君振奇人也以留日法政畢業擔任晉省講席日者適手改良社會芻議二十餘篇請敍於余綜其條目觀其稱述知其用心於社會者深而希望於立憲前途者甚切

近人謂侯官嚴氏之書太務淵雅不易播文明思想於國民斯編用意平實造語淺顯其於改良社會之旨庶有當焉大輅基於椎輪章服歸於皮革世有願謀大輅章服者則茲二十餘篇儻亦足收椎輪皮革之用也乎

光緒戊申春日淮陰丁寶銓序於并垣薇署

序

居今日而言改良社會豈易哉夫社會改良則地方自治之基礎立矣地方自治基礎立而後可與言立憲中國之社會自數千年來相沿相襲以至今日其舊有之風俗習慣如飲食被服之不可離彼相與樂而安之又烏從而改之雖然長此不改則長此不能自治矣夫自治有程度程度未至則自治不能恃有主權者爲之提倡之提倡之奈何與普通教育而已今

朝廷

於客歲已宣布立憲普通教育已次第而興然求普通教育之效恆遠在數十年後近亦須十數年或數年之久以我國人人望治之殷將何能待夫不求效於教育已成之後而期於教育未成之先不待人自爲治而預爲振發聾聵之舉亦惟擇其易使由易使知者因其勢而利導之焉耳嚮者僕亦嘗爲日本之遊矣見其國

家政治釐然秩然莫不有新氣象又觀其社會上而士夫下而羣衆其人人腦筋中皆有愛國思想尙武精神確知夫社會爲公共之團體對於國家皆有應盡之義務以完全自己國民之資格從無所謂媒媒晦晦如我國人民因循粉飾迷亂荒惑或鄰於痿疲或流爲浮浪或安於庸俗或習爲狡獪舊染不知變名譽不知惜公德不知講國恥不知憤而令全球世界中數千年來大帝國四萬萬同胞大社會甘聽外人訕諂之爲病夫爲睡獅如今日者也噫絃之不調則更張之俗之不善則改良之夫日本區區一島國耳又開化較他國最晚乃不及四十年而其國民之程度已高尙若此況在我國固東亞一古今罕儷之雄國也哉戴君忠駿由日本法政大學畢業回國擔任晉省法政講席愴懷於今日之社會慨然謀所以改良者纂成是編以問世并屬序於余余嘉其能於

普通教育未成之先而藉以啟新知恢能力而覘成效也其志之所存甚深遠爰略書己意弁諸簡端此書之出吾知有裨於社會前途匪淺而必爲社會所歡迎歟

光緒丁未仲夏序於晉垣學署子常錫嘏



序

治天下者惟興利除弊而已顧習俗移人由來已久即賢者不免隨波逐流而不克幡然變計今者推行新政爲立憲之基戴子叔良每慨一鄉一邑間明知其弊而因仍不改者所在都有輯爲改良芻議一書粗言之不過破愚氓之迷罔而已然由此切實施行道德齊禮之要化民善俗之規不外乎是三復斯編爲之贊美不置

光緒戊申七月虞山陸懋宗識




序

神州開化在地球各國中號爲最先充其血氣心知宜若可以邁軼絕馳躡出乎白黑棕赤諸種人之上而今也乃以窳敗特聞嗚呼天下旣相習而安之時衡世變者又茫焉不知其罪將誰蔽此夫觀化獨往之君子所爲撫膺太息者也往者竊嘗妄論之中國立國四千餘年大要以權不旁落爲其宗旨故近世談說之士被之以專制之名而不敢辭顧其間亦似有爲歐美所不及者一焉則權不旁落而責亦不下及也是故社會一切良楛僉曰是吾君與吾相實致之夫豈獨論者如是彼君若相則固時時自言之矣夫薄於人而厚於責躬此亦專制之朝廷所可聊作解嘲者然吾獨以爲中國治化之不進其故即在乎此也蓋亭林顧氏有言天下興亡匹夫與有責焉者也奪民之權斯民自輕減民之責斯民

自放矣夫使奪其權而又重其責豈不近乎不恕者之所爲然彼民未必不因負其責而知索其權知索其權於是乎有地方自治而後立憲之治以成今天下之民可謂無權矣無權因遂自以爲無責夫此大而冠婚喪祭小而飲食起居百孔千瘡指摘不盡者毋亦芸芸者自治之能力實有所虧而未必果政府之不道有以致之而論者顧乃昧昧於此也立憲之困難其不以是也歟常熟戴君叔良留學於日本者有年今歲北游吾晉與余相遇於友人座上討論晉故甚勤余私念以爲此必當世有心人也別去閱月而以其所箸改良社會芻議來且囑爲之序其書網羅各處習俗究極要最語核而理瑩不爲萬札之文以蹈士人陋習蓋鑿鑿可見之行事者余益偉君之用心且自謂前此測君者果不妄也夫制治者宜若髮人之宣五色於器焉必滌濯其舊污而後甘白有

以受采以今之政無變今之俗雖與之憲法不能一日行也明矣  
西哲斯賓塞耳所爲致慨於流梏也君此書其可不謂之知本也  
耶余冗陋無似何足以敍君書竊喜生平持論有與君同者乃聊  
復書之抑以見社會之良楛國家之興亡實係之而其責有不得  
盡委之在上者庶乎國民知所自策焉

光緒丁未八月學弟澤州郭象升拜序




改良社會芻議序

風俗之敝所從來遠矣光岳始分種族錯處芸芸衆生無教化無法度習於鹿居麇聚之宜以爲當然而不自知其野也孫曾相繼則謂祖父之準繩規矩如是罔敢緬越踵謬襲訛牢不可破有聖智出亦不能反其情之所安雖有政刑禮樂莫不順人情因時勢是故夏道尊命殷人尙鬼周公卜宅孔子敬讎皆先聖先王順時從俗而後世星命風鑑與夫鬼神怪誕之說所由託也雖然此其弊祇惑愚民而已於人心世道猶無害也春秋戰國遺禮義務作僞於是風尙一變漢承秦弊未遑移易賈誼之策治安貢禹之言風俗謂其嗜利亡恥行若犬豕太息流涕有隱痛焉魏晉而後崇尚元虛馳騁浮藻不復知神州陸沈爲何事至於五季馮道歷事四朝猶以爲榮而廉恥掃地矣宋明之世士習帖括窮年皓首以

馳騫於利祿之途沿襲至今又重以買官鬻爵在朝廷未嘗不毅然改革而舊染汚俗蓋未易一朝去也嗟夫舉一國之愚夫愚婦聽命於鬼神與三代以前之風俗流傳至今者也舉一國之士大夫奔走於榮利此三代以後之風俗流傳至今者也愚夫愚婦不知理之所以然而惑之是謂愚病士大夫知理之不可爲而爲之是謂智病愚病可藥而智病不易除夫至於一國士大夫皆沉迷於病而不易除則國家安所得人以爲治哉東西諸國非無愚夫愚婦而士大夫惜名譽急公義故雖有靈魂之說杜威之辯而無害於國家然則舉中國數千年習俗之敝摧之抉之蕩之滌之其必自士大夫始矣同學常熟戴君叔良游學日本者二年方在日時嘗謂予言明治維新其轉移風俗福澤諭吉箴書之功爲多慨然慕之思有以救中國之敝俗歸而歷游長江黃

河躡大行至於太原以察其人情風土著論二十四篇顏曰改良社會芻議屬序於予予讀其書以論迷信始以論心術終則君固灼知中國風俗之原與今日之積弊者故書所感歎弁諸簡端君方以研求法學周游四方意異時著述必更有進於是者則是書特君之緒餘也夫

光緒丁未冬月同學弟金匱許同莘識於都門旅次



序

間嘗謂民受天地之中以生天地之有人猶人之有其心是故人之處世也必以心爲主心蘊於內可以通萬物之情萬事之理而所以表見之者則賴有術耳大抵人之心公者其術必正心私者其術必妄爲君子爲小人遂於是乎辨焉君子之心公而逸故作德日休小人之私而勞故作僞日拙夫作僞者衆天下即多小人而易象著乎否所謂小人道長君子道消當斯時也窮極思變仍惟賴作德之君子出而挽回之維持之使天下之廢者興危者安弭患致治乃能轉天地之否而爲天地之泰君子之道既長而小人之道自消此又自然之理也原厥致此之由姑弗論其事業爲何如而要非心術公正之君子莫得而操此旋轉之權也吾世丈叔良先生少負遠志即懷范文正天下己任之想與鼎交素

篤知之最眞其好學多心得尤關心時事光緒歲甲辰遊學日本二年而返去冬話舊蘇臺縱談中外政治利弊得失靡不稿然有所折衷尊酒之間深服其學益新識益宏而心術不殊於往昔愈有以見其經生之根柢深也今讀其改良社會芻議一書言則平易近人事皆考察有據凡所謂亟宜改良者舉無難於實行倘得當軸諸公如所議而力爲提倡洵足爲今日貧弱之中國預備立憲之時代而播之先聲諸議始於迷信終以心術爲歸乃全書之宗旨即先生生平所學之宗旨心術之邪正天地之否泰因之攸關世道者非淺鮮也嗚呼自聖教就衰禮失求野我國搢紳子弟泊乎士大夫遊學於東西洋各國者亦衆矣然或則撫取皮毛炫其奇以惑人觀聽或且作梯榮捷徑以爲盜竊名器之資心術不可知學術又烏足恃乎以視先生之卒業回國不染毫黍習

氣學其所學即得其所學本愛國愛民之心術進思所以發達前途者其程度之相去固不可以道里計也諸葛武侯云非學無以廣才是學廣而才自廣今先生所謂芻議他日果自取設施必更有致中國於富強登斯民於衽席者而先生期以君子化小人之心術則已可於是書之箸見之矣

丁未冬十一月世愚姪古魏唐金鼎煥筱山氏謹序於維揚運署



序

竊維 國家久安長治之計固不僅全關於風俗而風俗之隆替實足以覘世變焉夫風俗盛衰之故繫乎人心正人心厚風俗存乎教化故禮義廉恥國之四維所以去邪僞定民志使天下人民盡納於軌物之中亦教育家與有責焉古者政教修明移風易俗在上者司其事無待士君子轉移其間曾無不良之社會自訓俗省方之治廢爲民牧者專以刑名錢穀爲己任而維持風俗之事曾不過問一聽攘攘者自生自治自消自長於其間至於今日民氣之衰已達極點國勢之弱亦達極點推原其故皆社會之惡習積漸使然也故欲振國勢必先力挽頹風欲挽頹風必先從社會著手此我 叔良夫子所以有改良社會芻議之作也 先生江左名士博學多聞前於甲辰乙巳間留學日本法政科功課之餘

留意考察彼邦政俗舉凡吾國社會中所謂迷信鴉片纏足等日本悉皆無之乃益皇然於日之所以富強者不獨政治之善亦善良之風俗有以爲之基礎也歸國後益以改良社會爲己任故卽社會之受害最甚者如衛生迷信鴉片纏足工藝實業尙武團體等事分類詮說著有二十四篇爲我四萬萬同胞大聲絕呼其爲說也言簡意賅理明辭顯雖婦孺亦能貫通殆不啻晨鐘暮鼓發人聾聵丁未歲本校延聘 先生來晉主講法政出示此著汾捧讀之餘見 先生用心之公希望之切凡我同胞宜如何奮發改良共躋文明之域以助 國家之發達乎曷勝欽佩之至謹綴數言以爲序

光緒戊申仲夏山西候補知縣受業孔昭汾拜序


序

風俗之壞壞於特見者不足患壞於罕有者不足患惟壞於人所習聞習見忽焉不察安焉不怪之一般事實與現象是爲大患蓋特見則衆目所注匡救非難罕有則人必加怪糾正亦易至習聞習見之事實與現象人人同在此習慣之中人人同守此相沿之舊雖有時事或零畸散見不必盡備於一人而合四萬萬人民之衆則成一國最大惡風俗而不自知自習俗移人賢者不免之說起幾有目不復見矣雖一二讀書明理憂時慨世之君子間亦心知其非而遇事亦有不得不委曲隱忍以從俗者否則必以違衆獲戾蓋社會人心之蔽錮久矣 叔良先生改良社會芻議之作其殆洞悉斯弊乎是書之作成於 先生游學日本之後夫日本以叢爾島國變政不過三十年而稱雄稱強奏效若此論者感歸

功於教育先生以爲致此之原必有更進乎此者因之觸目所經無不默誌心懷一一爲中國作對觀之鏡歸國後手著是書分論二十四篇始於迷信終於心術正本清源其間論列各目如風水如鴉片如纏足如說書演劇諸等類指陳開導無一不愷切沉痛先生苦心所在識者標爲國民鈐鍵良有以也蓋教育之興必先去蠹教育者而後教育興焉自來蠹教育者莫甚於社會之惡風俗惡風俗一日不去則教育一日不興譬之病夫教育爲諭以衛生之方法改良社會爲下去病之良藥非兼取並用之不爲功然則是書即作爲補助教育學觀亦無不可焉雖然以先生平居績學之深留學日本心得之多可發表於世者豈止此哉此特不過就中國習聞習見之事實與現象因勢利導爲之打破其蔽錮而陳述其利害俾一般社會易爲下手而從事改良庶乎惡習

去而風俗日進善良教育興而國家日見文明焉膺社會之責者  
蓋當知所取法矣戊申之夏先生由晉歸滬是書行將付梓命  
變作序變拜讀再四深愧不文不敢強爲轉念先生相賞甚深  
何可無以酬報因綴附數語以誌師弟授受間之感情非敢謂之  
序文也

戊申夏六月受業崔鑾拜序於山西法政學堂



自序

自丙午七月


朝廷頒發

明詔

預備立憲以來薄海臣民歡欣鼓舞咸思興奮夫立憲者易閉錮  
爲開化變專制爲文明預備者以社會之程度未齊須涵濡觀感  
養成國民資格爲實行憲政基礎則此預備期內我國民宜如何  
奮發改良競爭進步乎不佞前奉江督端制軍撫吳時選派留  
學日本法政大學居東者二年親炙彼國學博之講論調查彼國  
社會之內容蓋令人不得不瞿然驚悚然懼焉夫日本一島國耳  
自維新以來政府之提倡固殷而士大夫爭自濯磨競謀公益實  
有上下一心孜孜不倦之勢宜乎其對於內則百務振興實事求  
是對於外則一戰而勝再戰而捷國勢富強駸駸日盛豈倖致哉

其學士大夫苦心經營著書立說開會演講勸導於社會者夥矣不佞畢業回國承乏梓鄉講席以取鏡於東瀛者反而觀之覺妍媸之間懸殊實甚迨就晉省法政學堂之聘長途所經歷江皖贛鄂豫直諸境而至太原沿途考察其沿江沿海風氣稍開而內地各省其風俗之蔽錮猶昔嗚呼居今之世世界文明外人之日新月盛學術工藝精進無已而吾國內地謂可一成不變敝帚自珍已乎天演之淘汰可畏睡獅之長夢宜醒今日者正臥薪嘗膽之秋變法自強之會亟起直追猶恐不及先儒顧亭林曰天下興亡匹夫有責國家學語曰人民爲社會之一分子則凡吾士夫均國家之分子也擔一分子之責任備全社會之采擇儻亦有心人所樂許者乎爰不揣譎陋謹陳是議惟是天下之大社會之衆其間風俗習慣應待改良者豈盡於此第就見聞所及思想所至貢一

得之愚而已海內宏博匡其不逮有以賜教之幸甚  
光緒三十三年四月江蘇海虞戴忠駿識於山右法政學堂



例言

一 吾國學界商界軍界日形發達而社會之積習風俗相沿猶有牢不可破未經改良者使長此因循何以成立憲之國民何以造立憲之程度恐立憲之目的終不能達也不佞怒焉憂之故專就風俗習慣上痛下鍼砭條分縷晰不厭求詳

一 各省風俗雖有互殊要之大同小異耳今除有特別陋習著名於何地者指出外餘則統共言之有則改之無則加勉是在社會之熱心君子

一 是作意在使中等社會暨下等社會之觸悟並婦女閨閣易於聽曉故文理但求暢達不事深奧

一 作者苦心欲凡我同胞盡去淺陋之見共造文明之域故直言弊害處不稍隱諱閱者原其心而曲恕之幸甚

一作者學識短淺調查未能詳盡陳說亦多罅漏雖脫稿後屢  
加增刪然終未詳備尙希閱者諒之幸甚

一此著脫稿後呈諸蘇提學 毛文宗 慶蕃仰蒙逐條評註茲  
照刊於上層

著者自識

改良社會芻議目次

迷信 迎神賽會附

婚嫁

喪葬

風水

居室

鴉片

纏足

賭博

狹邪 密賣淫附

衛生

醫術 產婆附并附考

私塾

尙武

奴婢 養媳徒弟雜妓附

工藝

實業

救災

防患

游息

戲劇

說書

宴會

團體

心術



## 改良社會芻議

### 迷信迎神賽會附

木本水源。慎終追遠。祖先不可不祀也。功德在民。列入祀典。神廟不可不祭也。其各種宗教。立憲之國。載明憲法。於法律範圍內。信教聽人自由。此外各項。不載入祀典之廟宇。暨淫祠雜廟。本干厲禁。乃愚民往往迷信不違。崇奉彌篤。不惜黃金。捐塑神佛形像。夫神道設教。本爲下等人說法。以其不讀書。不明理。不得不借鬼神之虛威。俾有所敬畏。而不敢爲非。以補王法之不及。非所以教士夫也。詎知浸淫日甚。縉紳士大夫。亦棄其讀書窮理之功。從而迷信之。眷屬婦女尤甚。各省積習。歲時之入廟燒香。以及有疑難事。疾病事。輒赴廟宇。求籤問藥。并許願還愿等。男女雜沓。弊不勝言。實爲風俗之害。推其心。無非消災要福耳。夫人生避災求福。嗜不

共表同情。特幸福在乎人爲。非可求諸虛渺之仙靈神佛。泰東西各國除信奉宗教外。不求神佛之佑護。但求人爲之實際。是以增進幸福。樂利無窮。而吾國一託諸虛深爲外人所竊笑。尤可嗤者。苟罹疾病。不於衛生講求。醫學研究。而延巫禱鬼。糜費金錢。種種迷信。如癡如莽。愚人之愚。可悲也夫。當此立憲時代。迷信一端。先宜改良。祛其舊見。悉重人爲。以信神禱鬼之貲。爲興學立業之用。重衛生。以除疾病。講道德。以全人格。至於是而社會有不興盛者。吾不信也。抑有進者。天下不耕而食。不織而衣。分利而不能生利者。惟僧道與尼耳。僧道尼之所以衆且盛者。以有迷信者爲之供養。爲之庇護耳。使迷信者。人人豁悟。以此糜費。盡歸實用。則僧道尼行將不禁而自絕。而社會又添無數有用之國民。豈不盛哉。

附迎神賽會

迎神賽會  
本于例禁  
所論甚是  
壬文萃評註

各省各州縣各村鎮。以平日迷信鬼神故。託以敬神之名。昇神  
出行。招搖過市。謂之賽會。賽有比賽之意。此廟之會。必爭勝於  
他廟。他廟亦若是。於是爭靡鬪侈。窮極奢華。一次賽會。動費千  
金。或數千金。居民於是輒皆輟業以嬉。萬人空巷。男女混雜。此  
項積俗。各省通行。而吾鄉常昭。亦有此習。糜費巨款。試問於事  
何益。近以地方自治會立。稍爲斂迹。推之各省各地。其間爲賢  
有司所禁止者。亦復不少。而今而後。誠能悉將此項賽會。一律  
禁除淨盡。必即以此敬爲神敬可省無數金錢。可免無數紛擾。於社會  
不無裨益。難者曰。使無賽會。則春秋佳日。民無以樂。且小本營  
生者。無以沾利。迎神賽會。正所以暢民樂而惠小民也。不知民  
之行樂。何處不可。至小民營生。苟社會工藝發達。生計自饒。若  
必以賽會爲惠小民。誠管蛙之見。舍本求末耳。奚足辯哉。

## 婚嫁

婚姻大事。古聖賢定禮義詳。所以重人倫也。乃晚近以來。風俗奢靡。積習相沿。成爲風氣。其縉紳豪富之家。一婚嫁費數千金。或萬金不等。即中等社會。亦限於積俗。不得不炫飾觀瞻。或費數百金。至千金不等。而寒素之家。勉效奢風。竭蹶從事。甚至力實不逮。而爲風氣所囿。不得不然。因是而借貸負累者有之。至於借貸無從。則惟有遲悞婚期而已。其間兒女長大。婚姻過時。遂至蕩檢踰閑者有之。怨嗟成疾者有之。甚或高堂年老。奉養無人。不克盡人子之孝心。且因此遷延無後。抱恨終天者。亦間有之。推其原因。固由於家道寒微。生計艱困。實未始非風俗之奢侈害之也。使男女兩家。但求人品之賢否。不問奩聘之厚薄。及時婚嫁。務求實在。不尙虛文。吾知文王之化。必復見於今日。今者新學界中。羨外洋之文。

此風北方且多。有男子十餘歲。即以一人。理事。即待之。廿子。往之。有因往之。死親夫之。案頭宜之。諭禁止。毛宗評註。

明爲簡卑之禮節。誠足以矯頹風而挽積習。然內地各行省。風氣未開。未必盡願仿行。誠能於積俗之中。稍爲改良。自縉紳士大夫家。先爲之倡。屏去繁文。悉從實際。奩具不尚奢華。聘禮務求簡便。紳富行之。儆者自衆。而遲婚之事。既無。怨曠之風。亦息。於社會關係。殊匪淺鮮。世之有心人。尙其及早提倡之哉。

附言

聞山右各處。又有早婚之俗。或以家境充裕。或以得子較遲。亟欲抱孫。俟子女至十三四歲。即爲成婚。不知兒女體質未堅。最易斲傷。即生子女。往往不育。此等風俗。一家行之。各家倣之。相習成慣。不知其弊。夫古禮。男子三十而有室。女子二十而嫁。有故二十三而嫁。今東西各國。亦極論早婚之害。故定二十五歲而婚。具有深意。凡有早婚之習俗者。宜酌爲改遲。於強種保家。

之道。大有關係焉。

喪葬

古聖賢制喪葬之禮。載諸經籍史書者甚衆。而近世顧亭林氏日知錄論之尤詳。乃邇來各省風俗。於治喪則變本加厲。不免僭越。於治葬則惑於風水。停擱經年。士夫有一命之榮。則必窮極藻飾。苟內外盡哀盡禮。人子爲先人表孝思。不得不然。猶可說也。所惡者。哭泣未必哀。而禮節極炫耀。其本已失。甚有苦塊餘生。即已高車肥馬。酒地花天。此何說歟。孔子曰。喪與其易也。甯戚。此實探本之論。至於葬則窀穸早安。人子之責。乃必求吉壤。必問風水。於是操風鑑術者。隨意妄談。今歲不利。明歲猶凶。而治葬者聽之。停柩不葬。延擱多年。姑無論柩久氣泄。有礙衛生。即按之入土。爲安之義。爲子者何以自安。此則亦宜改良者也。治喪稱家之有無。而宜

近無濕無  
道遠不為  
蟲路先儒  
論非為人  
可者亦不  
川而能山  
葬師食語  
所風水之  
已說古人  
毛文宗評註

以盡哀為主。不事粉飾。治葬以速葬為主。古禮夫天三月七日土月祭月侯五  
 不拘風水。為人後者。苟讀書勤業。必能為先人光。初不在風水之  
 良否也。至貧窶者。無力營葬。浮厝曠野。淺埋郊郭間者。日久樞破。  
 穢氣騰出。最足釀成疫癘。是在地方有司。暨各善堂。隨時代葬之。  
 無使地方上有此等暴露棺柩。此無量功德也。

風水

風水之說。歷代相沿。傳來已久。攷之載籍。及各家筆記。一若具有  
 絕大影響者。不知此亦由迷信來也。偶以適然相遭之故。遂歸功  
 歸咎於風水。而業此者。又復鑿鼓其口。聽者惑焉。苟使社會人心  
 日漸開化。迷信既破。風水亦必退於無功。昔袁詒也設曰風水者愚  
之歲西在尚東何太知歲此之家有之最為通彼快家當此物競之世。地之蘊藏宜採。乃  
 以風水故。百般阻撓之。卒使五金各礦。廢棄土中。外人輒深笑之。

試思以虛渺之風水。阻富強之實政。愚孰甚焉。今者民智既開。阻撓漸少。然偏僻之處。不免猶持此說。誠得明通之士。多所勸導。當此時代。祥瑞可勿言焉。休咎可勿講焉。亟求實際。不事虛渺。則於路礦建學。必易爲力。而於人心風俗。必當改觀。富強之基。其在此乎。

居室

居室之道。於人生最有關係。古代構室。以之庇風雨而已。不求完好。後世富有之家。輪奐華美。繚曲深邃。甚至密室洞房。不夜已燭。不知於衛生甚有害也。蓋人必賴呼吸以生。呼吸必宜多得天空清氣。西人所謂空氣也。空氣有鮮潔污濁之分。軒敞之地。空氣鮮潔。卑暗之所。空氣污濁。人恆得鮮潔空氣。則體氣舒適而少疾病。是以山居者多壽。此其證也。

西人又有  
山泉水  
又有  
噴換  
之氣  
處之  
流說  
如久久  
居閣  
以開  
換市  
去必

其肺自濁。明氣不於。生煩。音煩。而有。解。然。則。屋。宇。不。論。多。寡。宜。以。清。潔。爲。要。房。闔。不。可。深。暗。宜。以。敞。朗。爲。貴。而。於。內。外。庭。院。尤。宜。多。植。花。木。以。收。炭。吐。養。氣。至。於。坑。廁。宜。遠。溝。池。宜。通。尤。爲。居。室。之。要。

按西北諸省。寢室俱砌以坑。以地氣高寒。坑可熾炭禦寒也。然多熾炭。則炭氣重。人日夜爲炭氣所烘。體中血液脂髓。必致乾燥。不潤。似非衛生所宜。且於婦人。生育尤礙。變通之法。室中不用坑火。多用爐火。而以洋鐵管通出窗外。使炭氣從鐵管中出。即用坑亦可如此。如是則煖氣仍在。而炭氣自少。盍試爲之。當於身體大有益也。

### 鴉片

鴉片之害。甚於鴆毒。言者衆矣。無俟贅述。今者已奉

昔有數人。冬日緊閉窗戶。始隨此。足微宜。透空。氣宜久。避氣。人忽。理。承

詔禁煙矣。但遵戒者固多。而嗜此者。猶曰十年之限。時日尙遙。此時不戒。法令其奈我何。一若不知

朝廷

與民更新之政。而反以爲苦己也者。愚之甚矣。嗟乎。以有用之金錢。有用之身體。食此耗精殺血之毒物。形消骨立。廢事失時。弊害何可勝言。旣被愚而上癮。宜及早而痛戒。縱曰戒之非易。當忍熬此戒之之苦。他日之樂。正有償也。夫以箇人論。以有用之身體。成無用之廢人。亟宜戒者一。以一家論。有此嗜烟之人。耗財旣多。生計爲窘。因是而父母不歡。妻妾不睦。兄弟不和。朋友不齒。一端失足。五倫反常。亟宜戒者一。以社會論。多一嗜烟之人。即多一耗財之人。不僅於社會經濟。大有關係。且於社會之人種。亦含有絕大影響。亟宜戒者一。更以國家論。以四萬萬人民。食此者當有半數。消滅人才。溢出利源。有此病民。國家安得不貧不弱。綜此數端觀

苦口婆心  
毛文宗評註

朝旨

之。吾國同胞。陷此黑劫。尙不思痛除之乎。今幸天心厭禍。朝旨疊頒。強迫嚴禁。風行雷厲。使夢夢於雲霧中者。一旦披沈霾而見天日矣。跂予望之。社會幸甚。天下幸甚。

按晉省嗜煙尤甚。小康之家。婦女孩稚。亦多染之。且有孩穉未染者。父母或強教之。意謂染此則家產可保。而不染他習矣。嗚呼。此豈家庭教育所宜者耶。抑聞之。晉省風俗純樸。人民好古。起居禮節。悉守古風。此豈古訓是式耶。不解也已。今者戒煙局已設立。亟宜父詔其子。兄勉其弟。夫戒其妻。痛除痼疾。尤要者。毋使無辜孩子。墮此黑籍也。

纏足

不纏足一節。亦已明奉

上諭。并經各當道出示勸導在案。今者沿江沿海各省。此風業已丕變。

而內地偏僻之所。尙未十分踴躍。夫。纏。足。之。苦。與。用。意。之。鄙。言。者。已。舌。敝。唇。焦。無。俟。再。贅。總。之。既。纏。者。能。放。則。放。其。幼。女。之。未。纏。者。切。勿。再。纏。現。在。風。氣。已。開。縉。紳。士。大。夫。家。提。倡。於。上。而。下。此。者。自。不。以。天。足。爲。羞。相。習。既。慣。於。婚。嫁。亦。無。所。窒。礙。誠。如。是。也。閩。閩。之。幸。福。固。隆。而。社。會。之。人。種。將。強。關。係。匪。細。跂。望。爲。勞。

附言

嘗聞某省某府。春秋佳日。輒有小足會之舉。當賽小足會時。年少婦女。豔服繡鞋。坐於大門之外。或游行街市間。任人評量。甚至捉搦之。非惟不以爲恥。反以爲榮。此等陋習。穢褻已甚。有地方風俗之責者。亦曾禁勸之耶。

賭博

賭博之害。小之廢時失業。大之蕩產傾家。人人知之。然此風最不

爲嗜五木  
之戲者痛  
下鍼校  
毛文評註

易絕。官吏何嘗不禁。無如視等弁髦。尤可異者。忝列縉紳。愈無忌憚。試問取此不義之財。於心何忍。豈可起家業。貽子孫乎。不爾。生財有道。何藉於此。至被誘者。無非中以徼倖之心。惑於數倍之入。始而小試。繼而大博。贏則思多。輸則追本。甚或孤注一擲。而五木無靈。無可彌縫。輕生覓死者。往往而有。即不然。父母失養。夫婦失和。鬻妻賣女。慘不忍爲者。至此亦忍爲之。何莫非賭博害之乎。吾國賭風。粵東爲甚。江浙次之。其大者。動輒盈千累萬。出入之鉅。駭人聽聞。使易此風。而爲興學堂。立公司。豈不美哉。是在政府嚴禁。有司嚴查。而地方自治會。遍立後。此害或可除乎。

不佞籍隸虞山。稔知吾鄉賭風素盛。且係紳衿爲多。今自地方自治會立。此風稍戢。然猶未盡也。宜亟勸改行爲是。

狎邪

是願宜造  
就女醫  
毛文宗評註

管子女閭三百。原為興商而設。後世娼妓。亦於商埠繁盛之區為多。攷東西各國。於娼妓嚴加取締。有病則醫之。謂之驗毒。務使無毒。方可營業。故娼妓雖多。不至有遺毒之患。而尤嚴禁密賣淫。娼私謂之誠以官妓可驗。私娼暗中勾引。無從檢驗。為害綦深。每歎東西各國。於通人情之中。寓保人種之意。政策之善。無微不至。吾國通商各埠。娼妓極盛。而檢驗一節。未能實行。殊為缺憾。去年上海工然則欲將娼妓行此政。須先造就女醫。乃可不從。遂使狎妓者。偶一失足。即染淫毒。廢肢體。害妻孥。關係甚鉅。至私娼流妓。尤為可畏。誠能由民政部。及各地地方官。嚴切下令。私娼盡改。官娼官娼盡行。檢驗不從者。罪之。而吾社會商旅。於未檢驗之娼妓。慎勿涉足。宜視如蛇蝎也。可。

衛生

輕而易舉  
務宜留心  
鄉黨一篇  
亦多記聖  
道  
衛生之  
人  
毛文家評註

衛生之道門類繁多。而要不外乎衣食住三者。曷言之。衣求其淨  
潔。雖布衣粗服。毋使垢污。嘗見不潔者衣服。垢污外溢。不可近人。  
於衛生大有妨礙。食求其鮮美。雖菜羹蔬食。毋使臭敗。若既敗之  
肉。既餒之魚。切不可食。鄉黨一節。言之綦詳。可按而致也。日本此  
事。隸諸警察。其調查甚密。稽察極嚴。見有店舖售賣既敗之魚肉。  
及不熟之水菜等。必懲罰之。至於食水。尤關緊要。所謂人非水火  
不生活也。水中有微生物。照以顯之自微見貌宜煮沸乃飲。若不煮沸。或常  
飲不潔之水。即易成疫癘。吾蘇城河窄隘。污濁甚。居民每汲取飲  
之。浸漸成疾。良由於此。居民不悟者。以不知其故。可憫之甚。宜由  
官紳設法懲勸。縱不能如西人之常飲沙濾水。而猶以井泉為佳。  
此事雖小。關係至巨。不可忽焉。至於住。已詳居室類。其他操心不  
宜過勞。恐傷腦筋。宜有時刻辦事。游樂不宜過度。恐壞體質。宜量

精神應付而早起而運動皆於衛生有益應加研究而不可忽者焉。

醫術產婆附井附日本產婆攷

語云。不爲良相。即爲良醫。誠以醫者能生死人而肉白骨也。故與良相並稱。其責任之重。可以想見。自古以來。不乏名醫妙手。迄於今世。亦多於此道三折肱者。第其中不學無術。以人命爲兒戲者。亦比比皆是。胡可聽其然哉。查東西各國。於醫學視爲至重。其術精深。凡人體內容。莫不剖解詳悉。討論至微。而於製藥。則悉從理化學研究而來。故神妙無比。奏效甚宏。日本維新後。首重醫學。是以醫術之精。名噪四海。今吾國各項醫學。已有萌芽。留學東西洋者。不乏其人。惟內地各醫。尙多仍循舊法。且有學術甚淺。而輒懸壺營利。害人於無形。所謂殺人。不操刀者。非過論也。嗚呼。人命至

所附兩條  
極見存心  
毛次宗評註  
徽俗作勢

重。而可聽此等庸醫草菅之耶。爲今之計。各省亟宜多設醫學館。醫學會。延請中外名家。日夕講論。尤宜置備儀器。考驗人體內外各部。如能籌款赴東西洋留學。俟畢業歸來。廣爲教授。惟宜於外洋者。或不宜於中國。其間參酌至當。存乎其人。至市上之淺學圖利者。宜由民政部通飭各省。一律由各省大吏作主。延請中外醫家。從嚴攷試其學。如實不能行醫者。勒令改圖別業。或重爲研究。務必攷驗合格。給有憑單。始可行道。庶幾僞道去。真才出。於社會。生命人種之關係。豈不大哉。

附藥舖之關係。與醫生相爲表裏。使藥舖選藥不慎。或用人不當。致藥有微變。或錯誤者。亦往往於病者有礙。雖藥舖自顧名譽。何至有此。然十中或有一二者在焉。意者資本大者。不至有壞藥。經理勤者。不至有微藥。倘藥舖小而衰敗者。必不可信。此

事苟他日警察辦有成效。可責成檢查之。今則社會中。共宜自相留意也可。

產婆附

吾國各省收生穩婆。無非得自家傳之秘。或練習手法而已。此輩婦女。大抵出於小家。既不識字。又不明理。其存心忠厚者。猶不過循例收生。不至有他。而狡獪刁惡者。視產兒之家充裕。故意留難。以索重酬。或甚至暗中損害。使人不得不允其請。至遂其慾壑。乃爲挽回。輒誇其術之精。設或不救。則亦不任其咎。此等刁風。予聞諸戚友家者屢矣。細爲思之。令人髮指。然吾國歷來向未聞議及此事。亦向未聞因穩婆收生之不善。而請官懲辦者。何耶。以此事其術至秘。非其業向無研究之者。故一任此等人上下其手。每遇產難死者。惟有隱忍吞聲。付之命運而已。

實則其中或因其術不精。或因故爲播弄。枉死人命。不知凡幾。且醫術不精。誤人僅及於病者之一身。婆穩收生術不精。誤人每及於產母產兒二人之性命。關係至爲重大。而謂可任聽之乎。就予留學日本時。調查吾國商人之挈眷在彼者。悉彼國有產婆學校。執此業者。必得有學校卒業文憑。始可從事。而警察又時時查檢之。嘗歎彼國學術之精。無所不具。而吾國人多夢夢也。夫保嬰保赤。自古熱心者。煞費經營。今吾國女學。已頗發達。尙未聞有議及此事。派赴外洋學習者。誠能各省各州縣。擇一、二中等人家婦女。粗通文義者。資遣日本。專習是學。畢業回國。創設學堂。招集小家女子學習。一面令舊有之穩婆旁聽之。庶幾學有淵源。弊亦可少。遇有難產之事。不至棘手。無策。易於挽回。此事雖微。實則生死之關。苟如不佞所議。此風一開。將來

不知保全。多少婦人赤子。於社會增添人種。於國家增添國民。影響甚大。尙希世之有心人。注意提倡。不禁爲婦人赤子九頓首以請。

附考 日本生產之家。懷孕四五月。即須報知產婆。產婆即來教以種種方法。產期愈近。來視愈勤。或投之以藥。以護其胎。或診之以脈。以防其變。迨至臨產。往往反爲順易。並痛亦少減。蓋其預爲布置。及調理之法善也。其所預教之各種方法。即其在校所學者也。至產後猶時來存視之。如小兒有病。亦善於醫治。非若吾國產婆。臨產方來。產後即去。不相關係。且日本有此產婆。固少難產之事。即或有之。亦必有方法以治之。決不使大小不救也。一比較之。產婆之不可無學也。明矣。

私塾

奉 詔興學以來。各省各府州縣。各種學堂。業已林立矣。而私塾之未改良者。猶不尠也。此其中有原因二。一因於大家之溺愛子弟。不願使之入學堂。必延師課讀之。而師守舊法者多。一由於各鄉鎮。及偏僻州縣。風氣未開。輒視學堂爲洋學。不在在里時。曾爲教育會敦請。赴各鄉勸導。深知其故。夫私塾須改良者。緣教法太舊。無非三字經。千字文。學庸論孟。及諸經而已。如讀三四年者。往往徒讀而不講。夫經書爲國粹根本。無論學堂私塾。均不可不讀。但文理精深。非兒童所能領會。改良之法。宜先讀小學教科書。逐字逐句。隨時講解。使之易悟。易記。引誘之法。莫妙於此。迨兒童讀至文理稍明。知識稍開之時。乃使之讀四書五經。或認定一經。亦必隨讀隨講。使之明其事理。總之經書不可不讀。所以敦本也。時務不可不知。所以應用也。誠能本末兼賅。體用俱備。則私塾亦

可以養人才。貴在能改良耳。夫當今之世。東西各國。不論男女貧富。無人不學。即或窮鄉僻壤。販夫與隸。亦莫不粗知書算。蓋其四年尋常小學。未有不入者也。而返觀諸吾國。中等以下人家。子弟。往往有隻字不識者。其女子尤甚。又有未嘗不讀書數年。而不通文理。不能書算者。皆緣在塾時。雖讀四書五經。而未經講解之故。遂使讀如未讀。殊可慨惜。且因不識字之故。遂致種種不便。社會之不易進步者。良由於此。嗚呼。私塾非不可有也。貴乎因時改良。多用講解。參以新學。地理之歷史社會前途。庶有馮乎。抑有進者。入塾而不勤講解。咎在塾師。有子女而不使入塾。咎在父母。誠而由學部下強迫教育之命令。凡男女兒童。學齡已屆。以七歲為率能不入學堂。或私塾者。罪其父母。欲圖教育之普及。恐非如是。則必不能普及也。雖然。必州縣村鎮。小學堂遍立不一立。而後強迫教

現在學堂一切費用窮苦人家非時力不幾能入學第一能瞻而窮入學堂起居飲食過倍將來尚不能苦向慮及也  
毛文宗評註

育之令可行。不然。學堂未遍設。欲入而無從。目今之計。莫如先行強迫私塾之改良。較爲易辦。且使人亦易從焉。是在學部之提倡。各省提學使。教育會。各州縣勸學會之熱心勸導。不禁跂予望之。

### 尙武

自古六藝禮樂射御書數。夫射卽武學也。近世以來。趨重文學。輕視武事。遂至寔成文弱之習。一遇軍事。始招募練習。費時糜餉。奏功較難。而今者東西各國。靡不注重武備。有所謂常備軍。預備軍。國民軍者。幾乎通國皆兵。惟其平時有備。是以遇戰不難。鄰邦日本。尤重尙武。其戰勝強俄。成效可見。吾國邇來。陸軍亦極注意。平海缺尙如付然。去年各省有徵兵之舉。其間招集頗非易易。逮後逃亡尤多。其故緣平日無尙武之觀念。是以臨時無尙武之精神。輒曰好男不當兵。一若以兵爲至下賤者。不知兵所以保國。無兵何以保

國不能保國。何以保家。東西洋各國。有鑒於此。故軍人資格。極爲尊重。隆之以禮貌。嚴之以紀律。而於講習操練之法。則又至精至苦。相習既久。民間亦翕然從風。非惟不以從軍爲苦。莫不以從軍爲榮。榮。子親見。口人。之。從。軍。者。親。族。友。以。旂。鼓。樂。送。之。今吾國國勢之弱。人皆知之矣。然則不於武事注意。其何能強。所望社會青年男子。人人具此尙武之精神。無事則爲良民。有事則爲雄軍。保國保家。胥在於此。

工藝

富國之道。在乎工商。而工尤重於商。蓋使無工藝。以爲之製造。則商何從。販運耶。故工藝爲尤亟焉。攷周禮一書。攷工一記。論之綦詳。乃後世。循古法。不知更新。於是陳陳相因。絕無巧妙之作。使吾國閉關自守。不與外人通商。則卽此古法。亦甚安之。無如時會相迫。外人競相叩關。迨至商埠旣立。而日以新奇靈巧之物。炫我。

饒有見地  
凡吾國之  
土貨如皮  
毛等類經  
彼國製造  
而售於吾  
國無不利  
市三倍  
毛文宗評註

而我社會人民。又莫不愛之用之。小之什物玩好。大之布帛器具。莫不以洋製爲奇。至於是而土物滯消。利權外溢。歲以數百萬數千萬計。適年來競知仿造。稍稍抵制之。如直鄂江浙諸省。工藝日興。成效已著。苟能逐漸擴充。除吾國固有善妙之製。不必仿改外。凡爲人民所樂用者。亟宜趕速改良。一面廣興工藝局。以官力提倡之。一面多設勸工場。使人民觀感之。此外若工商研究所。手工傳習所。愈多愈妙。吾黃人之聰明才力。豈亞於白人。特以向者未致力於是耳。今當此生存競爭。優勝劣敗之世。若不亟起直追。與外人戰。恐利權溢盡。脂髓已空。他日卽欲振興。其奚能必。是在社會熱心製造。暨素業工藝者。及早圖之。

### 實業

實業門類甚夥。製造其一也。他如農業。漁業。航海業。墾牧業。森林

實業組織是  
公認之  
其先任之  
後起之  
學堂考日  
本教育法  
規所習貫  
業以爲於  
越利爲於  
私以爲於  
戒以爲於  
端而大要  
伯論實業  
學校須擇  
地而設非  
隨處可爲  
皆極精審  
毛文宗評註

種植。機械。路礦。種種皆是。惟實業基本。動必百萬千萬。斷非一家一人之力。所能從事。則公司尙焉。查東西洋之興實業也。必組織公司。之口本謂誠以獨力難支者。合力即易爲。獨擎莫舉者。衆擎則易舉。惟公司之組織。在首創者。足以使人信重。而後易於招集。又必重以信用。使人始終不疑。則大業可圖。成效永久。吾國地大物博。土產豐饒。今日財力。雖云不足。而藏於民者尙富。苟有名望如張季直先生者。曾少卿觀察歸其人者。起而提倡之。集同胞之資力。爲富國之企圖。且盡地力。則國無曠土也。用勞勩。則國無游民也。一舉而數善備。富國之計。莫要於此。

奴婢 養媳 徒弟 稚妓 附

買賣奴隸一事。泰東西各國。載諸法律。懸爲厲禁。誠以昔日未禁以前。虐待奴隸之風太熾。天譴黑錄可知歐西政府。體好生之德。重人

朝廷業蒙

格之說。一律嚴禁。甚至各國互相訂約。如有此國販奴至彼國者。兩國協捕勿怠。其鄭重如此。吾國前年。經前江督周玉帥。申奏

聖明批准。今而後賣買奴婢之風。亦當少戢。然政府雖已申禁。而民間

或猶有私行者。不得不廣爲勸導。使人人知此事之慘。殆無人理。

嘗聞曩者蓄奴婢家。以十數金購得之。絕謂賣之父母不相聞問。因而

凌虐酷待。暢我欲爲。使之求生不得。求死不得。呼號愁慘。聞不忍

聞。夫奴婢亦人也。特貧苦耳。何以待之。犬豕之不若。則無告耳。以

窮無告訴之民。而使之痛苦愁慘。呼籲無門。不亦傷天地之和。而

昧天良之甚耶。文明各國。有鑒於此。從根本着想。使無賣者。自無

買者。吾國素稱聲明文物之邦。亟宜使社會無此慘事。其前此已

買之奴婢。亦不宜過爲虐待。庶幾人格貴。而人心平矣。社會文明。

竊然仁人之言  
毛文宗評註

亟宜除此。

奴隸之外。類於奴隸者。猶有數種。一養媳。一徒弟。一稚妓。養媳者。小戶之家。以自幼配定之媳。養於夫家。待及笄而後成婚者也。此等養媳。往往被虐於姑。其故以女不二夫。既許配其家。則生死依之。又必以母家貧苦。故未婚而衣食夫家也。職是之故。其姑得施其虐待手段。蓋亦近於無告者也。嘗聞有養媳之家。其虐待者。十有八九。鞭撻之外。施以種種苛罰。慘不忍聞。苦無伸訴。縱曰養媳不善。豈有不可教育之理。而必出此酷虐之舉耶。此宜改良者一也。至徒弟。卽學業者。若工商。若店舖。例招徒弟。而貧苦父母。欲子之執業也。必央人介爲徒弟。一入其門。則惟命是從。苟有過失。則鞭笞從事。其責罰往往極慘至酷。以徒弟之學業。必從其師之命。故雖慘而無人過問之。實則傷天良。

能推父母  
之心  
毛文宗評註

味公理之甚。此亦宜改良者也。又有娼寮。購買弱齡稚妓。教之歌唱。及種種導淫之祕。設劣鈍不悟。或貞靜不願。則爲之搗者。施其酷虐之手段。并用種種毒刑。亦屬慘無人理。嗚呼。使此三項。而爲自己之兒女也者。忍出此凶虐之舉耶。易地以思。天良自悟。惜人。不之思耳。是在社會熱心君子。苦口勸導。一面由地方官出示嚴禁。如有犯此者。准鄰右告聞。或由本地紳士舉發。嚴加懲罰。庶幾知所斂迹。俾全國無辜。貧窮幼稚男女。稍減無量之苦。亦社會文明之一進步也。

### 救災

天災流行。世所代有。救災恤鄰。人所應爲。無論水旱瘟疫。種種災殃。被災者既至。苦至慘。未被災者。應量力救助。若去歲淮徐等處。大水爲災。業蒙

朝廷

發帑免漕賑濟災黎。又經各地紳富善士。設法捐助。數千萬哀鴻。

得以稍舒涸轍。大吏若 端午帥。認真督飭。苦心籌畫。拯救撫恤。

仁至義盡。雖曰博施濟衆。堯舜猶病。而盡其己。飢已溺之懷。自有

救人救徹之效。但就社會上觀之。其節衣縮食。慷慨捐助者。固不

乏其人。而秦越相視。漠不關心者。亦在在而有。一若災民之苦。與

我何干。豈願以行樂之資。爲救人之舉。輕裘肥馬依然也。酣歌恒

舞依然也。其間更有因辦賑辦災。而從中漁利者。此等人全無心

肝。固不足論。特不思設或已亦遭災。欲人援助否耶。今者欲步文

明。先宜講道德。心不論古今中外。好善之心。人所同有。社會而永

無災害也。固無量之福。社會而偶有不幸也。宜各量其力。各盡其

心。視人被災。如己被災。斯慈善之心。生而救助之事。急尙希社會

之人。常以同胞之心。視社會。斯自無膜視之念。已。

可謂能勸  
善矣  
毛文宗評註

防患

禽獸之中。有梟獍豺狼。魚蟲之中。有鱷獺蛇蝎。而人類之中。亦有窮凶極惡。惟人不能無惡。而善者被害矣。惟人不盡爲惡。而惡者宜除矣。今夫人之惡者夥矣。小之鬼蜮伎倆。大之盜匪行爲。餘若拐騙流氓之類。何可盡述。總之惡人而已矣。使社會而有一惡人也。則一惡誘十惡。而惡者乃多。語云。害羣之馬。惟有去之而已。且夫人非鳥獸蟲魚比也。鳥獸蟲魚不可化惡爲善。人雖極惡。終有天良。可化者化之。亦在化者之有術耳。至惡無可化。則國有刑章。里有公論。亦未可聽其爲惡。爲害人羣。近之鄰里。遠之官吏。耳目所及。擒之鋤之而已。夫除惡所以安良。使姑息養奸。則養癰成患。爲虺不摧。爲蛇將若何。是在社會之共勉。爲善協力。除惡使鄉里盡爲善士。無有惡人。雖曰奢望。亦在人爲。夫水火有患。疾疫有患。

能見其大  
王文家詳註

凡吾社會均宜防患於未然。若鄉黨有匪類。尤患之易發者也。能不預爲之防哉。

游息

能得遊息之意非襲取皮毛之論也  
毛文素評註

禮經學記曰。藏焉。修焉。息焉。游焉。古聖賢以此四者並列。用意綦深。今西人以崇奉宗教故。每越七日。必至禮拜堂誦經頂禮。謂之禮拜。實則藉以休息一日耳。乃地球各國。相習成風。服勞六日。必息一日。自官吏以至庶民。莫不皆然。此法最愜人意。夫人生終日勤勞。終歲勤勞。使不以時休息之。則精神必至疲憊。而體氣因而不舒。今以七日之中。休息一日。則六日之勤勞。自必專心致志。而一日之休息。亦不廢事曠職。吾國效此者。京師一二新衙門外。惟學堂爲先。曰改星期之業已中外通行。至官署商舖。以及各項執業。尙未聞仿行。然則學堂固宜仿效。此外不當仿效耶。除商舖工藝。爲

經濟起見。不願仿行。或仿行之。必有許多窒礙外。若衙署。若無關  
日用之局所。店鋪。似可仿行。俾執業者。稍舒其勤勞之苦。而暢其  
游樂之懷。亦社會所應有事也。

公園附 東西各國。一地必有一地之公園。所以使人民暢舒  
襟抱。吸取空氣。以資衛生。意至深也。吾國向惟一二紳富之家。  
建造私園而已。尙無建造公園之舉。夫曰公園。其建築之費。應  
出諸公衆。如以一區論。就一區之居民舖戶。各捐若干。不難崇  
朝而集。其製宜以空曠。軒敞爲主。不宜多雜樓臺。如上海之張  
園。白度橋之外國公園。日本東京之上野公園。日比谷公園是  
已。公園旣興。民可隨意行樂。在昔文王之囿。在今歐美各園。不  
得專美於前矣。

### 戲劇

聲音之道  
與政通論  
者可謂知  
音者  
毛文滌評註

自古有伶官一職。食天祿。宣民俗。任至重也。迨至唐代元宗朝。廣興梨園。編成歌曲。譜以新詞。後世因之。相沿不絕。本朝乾嘉道咸間。競尚崑曲。緩歌妙舞。雅奏雍容。悉以和平出之。不尚繁響。嗣後徽調起而樂風一變。京腔行而樂風再變。自京腔盛行。而所謂崑腔徽腔者。相繼湮寂。顧曲無人矣。京戲競尚武功。所唱曲調。類皆激昂慷慨。悲壯淋漓。至近來又尚秦聲。嗚咽悲怨。聲哀以厲。先盛行於山陝。燕豫間。旋及於東南各省。風氣所趨。聽者悅焉。夫戲劇本意。原以已往之忠孝節義。奸佞盜邪。人莫能見。而以優伶喬扮其人。演串其事。使千載而下。不啻目覩當時情事。使人觀感之餘。知所儆羨。意至善。法至良也。乃輒近來人心不古。變本加厲。通商大埠。各戲園。於純正各劇外。必雜以小戲。甚至暢演淫穢之醜劇。描摹盡致。觀者傲之。因此風俗日壞。淫風日熾。爲害甚大。歷經地

方官吏嚴禁在案。無如禁不勝禁。旋禁旋演。迨近歲來。政策維新。社會之熱心者。因有改良戲劇之舉。而優伶中亦不乏有志之士。編成新劇。開通民智。夫戲劇現身說法。感人最深。如演忠義節孝。使人天良發現。往往有泣數行下者。反是而演奸宄宵小之徒。又令人髮指。眦裂。然則當今之世。欲社會之開化。進社會於文明。惟有令戲園中少演古事。多演新劇。能考地球各國與維新事蹟有關係者。逐日排演。則引人入勝。莫速於此。而難者曰。東西洋之演戲也。亦以古事爲多。間雜以小丑取笑之劇。並無有盡串新戲之舉。予所言得無太甚乎。不知吾國地大民衆。政教不易徧及。使當此過渡時代。以演劇爲補助之機關。不亦收效較速。導人較易乎。迨民智既開。新政已遍。而后再演古事。使民不忘其本。豈非經權兩得耶。則十九世紀之大舞臺。直謂爲變法維新之大功臣也。可。

說書

亦甚重  
說書所關  
意深戲與  
毛文宗評註

說書濫觴於柳敬亭。踵其風者。代不乏人。而吾蘇業此者。尤擅勝場。大抵吳中山水清嘉。人物靈秀。尤多口辯者流。往往家貧口給。讀書不成。習此爲業。父傳其子。師授其徒。利齒伶牙。人材輩出。惟所說之書。非三國志。即水滸英。烈金臺傳等。謂之說大書。此外則彈唱小說。若西廂。若三笑。若雙珠鳳。若白蛇傳之類。無非才子佳人。稗官小史。雖描摹串插。足以解頤。後果前因。足以勸善。然其技不過至此而止。縱曰於舊社會無害。實亦於新社會無益也。當今開通民智時代。有此妙口之人。何不利用之。而易以新說。使聽者易於開化。則一轉移間。豈不甚善。乃說者曰。此等執說書業者。自幼所習。只此大書小書二種。此外非所習也。其何能易。雖然。此中不乏聰穎之才。何難因時變計。於舊說之中。參以新意。如串插則

悉去閭巷穢瑣鄙俚之談。而易以世界開化文明之語。庶聽者易解。潛移默化。不爲無功。而尤要者。在此輩中教授其徒。自此後。悉去其舊傳之祕。延請通人。另編新書。擇其與社會上有關係者。最本東明西治歷維新史如之英類要加以申立編使者戰不令聽慧子弟專心學

### 宴會

人生酬酢。禮尚往來。於是乎有宴會之事。於此通殷勤。聯情誼。爲人情所應有。而不能無者也。第其中有界限。有等次在焉。若尊長。若貴客。或千里命駕。或一堂集議。或親朋偶集。或喜慶祝賀。非肴酒無以伸恭敬之忱。非歌舞無以助主賓之樂。逢場作戲。偶一爲

弊切中時  
頤宜改良  
毛文家註

之固爲古今中外所通行。無可訾議者也。但近世以來。風俗奢靡。競相鬪勝。往往一下箸動費中人之產。一設席竟成終夜之喧。踵事增華。傷身越度。比比皆是。然猶曰富貴門第。慣事豪華。無足多怪。第有力非充裕。事可得已。而亦效習奢風。勉爲徵逐。酒闌人散。則亦不相過問。無所關係已。此最無謂耳。夫奢儉難乎得中。酬應難乎恰當。安能使人人盡合乎禮。適中乎節。亦在當局者之善自酌度而已。惟有亟應改良者三端。一肴饌宜從簡少也。夫飲食貴乎精美。不尙衆多。世俗宴飲。其整桌者。必羅列滿席。珍錯紛陳。在主人敬客。非如此不足以表敬忱。不知人之口腹有限。與其紛陳廣設。徒屬悅目。何如選擇精良。均可適口之爲愈耶。大抵士大夫家。以五簋爲率。即加以雜味。亦有節制。既不多費金錢。又得愛惜食物。是在豪貴之家。提倡而改良之。則上行下效。風行較易。此其

宜改良者一也。一、時刻宜劃一也。今宴客者。如訂午刻。必至未申而後集。訂申刻。必至酉戌而後集。在身分稍高。場面較闊者。往往故意遲至。蓋遲則見其公忙。身貴耳。此等風氣。相沿已久。不知一人人後至。而衆客鶴俟。其中枵腹以待者。有之。因待而廢事者。有之。是宜改除積習。準時而至。如實有要事羈身。亦當使人知照。或謝絕之。毋使人久待。此其宜改良者又一也。一、勸酒宜不過度也。主人勸酒殷勤。固非惡意。第亦當量客酒量之深淺。不宜執意強勸。嘗見客不勝酒。主人必強勸之。友朋又互勸之。而爲之客者。勉徇其情。至酩酊而後已。語曰。勿飲過量之酒。又曰。惟酒無量。不及亂。此數語最足奉爲圭臬。而世人每習焉相忘。不至爛醉不已。既醉而滋鬧生事。固屬可嘆。而傷害體腦。尤有關係。今宜敬勸爲主人者。勸客一二巡後。聽客隨意。量大者大飲。小者小飲。主不強勸。

容不藏量。彼此舒適。盡歡而散。豈不善哉。此事雖瑣。然亦社會中應改之積習。而稍稍有關係者。明通者當不河漢斯言。

團體

自新學昌盛。文明輸入以來。學界表揚。報章鼓吹。而合羣團體之說。洋溢於十九世紀之社會。夫團體者。團結力也。以團結之毅力。爲全體之精神。其影響所至。誠足以撼山嶽而震全球。觀夫猶太之何以滅。印度之何以墟。朝鮮之何以委靡不振。澳非南北美之士著。何以式微。曰。以無團體故。噫。團體之不可已也如是。今吾國熱心志士。競知結團體矣。對於外。則可以團體攝其野心。對於內。則可以團體興其大業。我神州之浩瀚。我黎庶之林總。誠爲至宏至廣之團體。而全地球無可比擬者矣。特患不能團結耳。能團結矣。又患無堅久之性。以永固不散耳。夫國之有人民。本如散沙也。

團體不易  
言先將孟  
子出入相  
友三句做  
到美貨爭  
制美貨爭  
回美貨爭  
是美貨爭  
表面不可  
不求諸根  
本也  
毛文宗註

分子也。散者聚之。分者合之。是在總攬機關之作用。而今日者。人  
民以外族之激刺。時會之凌迫。而競相呼號。非團體不足以振弱  
而起衰。曩歲美洲華工禁約問題起。而羣謀抵制。粵漢鐵路收回  
問題起。而羣力紛爭。此團體之實力也。所慮者始勁終衰。始聚終  
散耳。質言之。無團體固危。有團體而不堅久。仍危。且適為他人所  
覲破。而擲揄之矣。嗚呼。處此競爭劇烈之世。非固結團體。實無以  
自存。吾四萬萬同胞。其時時自願自衛。以保此宏大之氣魄。而歷  
久彌固。始終不易。其轍將見社會之興盛。未有艾也。馨香祝之。寤  
寐求之已。

心術

吾言心術。不外私德公德二者而已矣。吾為社會計。而尤重於公  
德。夫人必先有私德。而後擴為公德。未聞有私德未立。而於公德

語有斟酌  
毛文宗詳註


有裨者。難然。事有難言者矣。居閉塞之世。教品礪行。獨善其身。不  
失爲鄉黨之君子。當此物競交通之時代。若徒以個人主義。斤斤  
自持。則社會將奚賴也。要能於個人主義外。兼存社會主義。既人  
己之均利。亦內外而無偏視。社會之事。即吾身之事。認爲應盡之  
義務。不欲私有其權利。於是傾軋之風可息。而公益之利自溥矣。  
何以挽既失之利權。何以振積弱之國勢。胥於此公德之一念基  
之矣。故吾言居今之世。而尤重於公德者。蓋以此耳。昔賢云。先德  
行而後文藝。論語四科。以德行為先。夫德行。即心術之謂也。現  
今泰東西各國。亦莫不有哲學一科。誠以道德爲立身立國之本。  
無論古今中外。雖百變而不可離者也。故余著是說。而以心術爲  
全書之殿。亦仰望吾社會同胞。胥趨於是。是則區區之微意焉爾。

用意深遠  
毛文宗詳註

跋尾

通家兄戴君叔良著此卷時繇東瀛卒法政業歸才數月耳憶乙巳冬晤君於東慷慨多氣誼把臂如故君嘗語余曰吾國民智未牖社會思想卑劣習慣又從而迷障之無惑乎地方自治之不能發達也又曰閱同胞之溺於俗而不返習於無法而不知自由者必思所以振發之又曰吾既研法政非爲干當道紆青紫計也必期有益於社會余敬聆之心折而已余既歸國君亦以明年五月畢業返珂里主講又明年應太原聘任省中法政學校教席不旬月書來則所謂改良社會芻議者哀然成帙矣薰盥誦之自道德禮俗之大以逮日用飲食之細無不抉其奧竅鍼其膏盲存國粹而助以歐化俾躋於文明自由之極也余愧不習政法不能道個中人語第以獲交於君者頗密切夙知君志并欲志忝附同志之

梗概於是乎書其尾戊申春初通家愚弟許志毅謹識





國立北平圖書館  
NATIONAL LIBRARY OF PEIPING  
PEIPING

登記號  
Acc. No.

14590

書號  
Call No.

507  
212

10 JAN 1935

北平  
圖書館

光緒三十三年四月編撰  
光緒三十四年八月出版

(定價大洋叁角)



著者 常熟戴忠駿

印刷所 上海商務印書館

寄售處 上海商務印書館

各省商務印書分館及各書肆

